

救劫回生

卷五

仁人君子好善為先廣傳
神訓功德無邊所刊實事足植
心田勿置高擱致褻
聖仙如或不閱請送他賢敬相
勸化福祿絲絲

又琉璃廠東門內
采齋刻字鋪

劫回生

改


風陵文庫

文庫19

F325

/

Fp325-(1)



光緒二十年甲午重刊

脩心轉性救苦回生

板藏
京都琉璃廠東門內
路北文采齋刻字鋪

Fp325-(1)

脩心轉性救苦回生
卷一

諸神聖乩諭循循誘人為善之處無不周徧足以觀乎
風化而警愚蒙也令人讀之仰止珍愛惜乎舊

必須潔淨

板遙隔刷印為艱為求千祥雲集百福駢臻乃
捐資重刊存在京都如有

善士心願刷印者請至板存之處刷印可也

恭錄

聖祖仁皇帝聖諭十六條

敦孝弟以重人倫

篤宗族以昭雍睦

和鄉黨以息爭訟

重農桑以足衣食

尚節儉以惜財用

隆學校以端士習

黜異端以崇正學

講法律以警愚頑
 明禮讓以厚風俗
 務本業以定民志
 訓子弟以禁非為
 息誣告以全善良
 戒匿逃以免株連
 完錢糧以省催科
 聯保甲以弭盜賊
 解讐忿以重身命

救劫回生首卷目錄

聖諭	呂帝詩廿三首	四將軍聯詩
馬天君序	戒勇戒訟詩各一	桂宮王仙諭
周將軍序	勸貧勉學詩各一	桓侯詩諭訓
文帝序	醒世解劫文	本誠仙勸世語
孚佑帝君序	呂帝題詞八則	月華老仙詩
恩例凡例	呂帝戒貪洋煙詐詩	勸善賦
武帝總旨	呂帝戒淫忍詩各一	王元帥詩二首
武帝勸孝文	呂帝諭歌四篇	文帝詩三首
救劫回生	呂帝諭歌四篇	文帝諭二篇

卷一目錄

土神詩共四首

綠英仙姑詩

桂宮四相聯詩

雲遊仙話

武帝詩七首
諭二篇

王天君諭

靜靜山人話

解劫寶訓

八仙聯詩

廟王話

東華真人詩

何大仙詩

張仙詩歌共五首

藍仙詩歌各三

飛天魔王詩話

功曹語

玄妙仙童詩

温天君詩諭

韓仙詩歌共四首

雷部仙童詩

張天師詩諭

鍾仙詩歌共四首

滄海老人詩

理事各祖先聯詩

周將軍詩話

李大仙詩歌

合降治家文

馬天君序

夫天地無日月則混混者何以明造化蔑風雷則鬱鬱者安所發是故世之靡者患不在積衰而患無旋轉之術人之疾者患不在負過而患無遷改之忱性之貴於轉也亦若是矣慨自世風衰而後禮教廢鄉黨所以有頑民人心變而後習俗偷閭閻由是少良善陷溺沈淪由來漸矣有心世道者能不為之顧慮哉幸我

關帝

文川回生

卷一序

文昌叩

皇天而垂化

孚佑

大士施法雨以回生齊

真宰而顯化飛鸞教忠教孝廣慈悲而慇懃化導消

劫消災宏誓願於

上皇力匡一十八省之世宙宣文教於下土宏闡一十

六條之

王謨聯珠合璧降救世之文章瀝血剖心拯斯民之

患難

聖恩浩蕩莫罄贊揚此書精微難窺底蘊予也恭承
帝命職任天君司秉雷霆宣揚教化累劫救度無非體
天愛民相贊此書要亦扶世導俗茲奉

帝命勅序以文竊幸此書將成文明可卜因敬謹而為
之序焉

時

同治九年庚午三月朔日戌時九天揚化馬天
君奉

救劫回生

卷一序

二

五旨降著

帝命

帝命

望恩哉
患難

周將軍序

孔子設教道學昌明諸賢明經斯
文大備古今上下至化賴乎人為習
俗世風轉移全在聖德乃自撥龜
歎斧柯而聖道難濟獲麟絕史
筆而正學就衰天生聖而道不行

政制回生

卷一序

三

焉能觀成康世宙世有賢而學不
顯後致慨景運中天風會之遞
變自占皆然人心之澆漓於今尤
烈果何謂哉當此上有

聖主而辟雍鐘鼓難以興時際承平
而詩書禮樂不復盛羣情愈趨

而愈下彼人力何迭挽回習倍彌陷
而彌深非聖神焉能補救是故

聖帝憂之而飛鸞顯化

二帝扶之而降筆垂書因果報應之
微朗如皓月五倫百行之要白若
青天日月生輝珠璧交映至精至

粹無漏無遺嗚呼

聖帝十數年來心血費盡較安劉之
志猶殷勞瘁不遑視輔漢之心猶
切此書之成亦不易也人心之轉不可
望乎今告竣非遠聊為溯厥淵
衷完璧將期故奉命而作序

文日皆

君序

同治九年二月朔日
武帝命降著
峯周將奉

別於形人與物分分於性實分於命此人所以
為萬物之靈性所以為萬善之歸也獨是心也
者人之所固有也者性之所維持也本也則
不可為人無人道又烏其為性聖也賢也人
也然豈果人也哉

文帝命制義

向欲以事之月 朕日哉昔周鼎奉

晉

文昌帝君序

竊以陰陽之道微妙無窮誕降之原人物各異
統知覺運動而別之曰物智愚賢否而謂之曰
人仁義禮智而名之曰性物與人別別於性並
別於形人與物分分於性實分於命此人所以
為萬物之靈性所以為萬善之歸也獨是心也
者人之所固有人也者性之所維持無本性則
不可為人無人道又烏其為性聖也賢也人也
仙也佛也亦人也然豈果人也哉聖賢仙佛雖

自人為之實自性為之也實自能盡其性能葆其性而為之也蓋惟能盡其性則性量之地見天真則聖賢無難事抑惟能葆其性則性命之中有實際則仙佛可以登如是則人不足重也心性足重也心性何以重厥重在轉修子勿畏難勿苟安勿自暴自棄而迷於歧途勿欺己欺人而傷乎忠厚勿因前之積惡而生畏心勿懼後之難修而生退志矢力潛心修持善道則聖賢可以成仙佛可以至矣然豈果人也哉又何

嘗非人也哉修身盡性之要慎其此諸

時

聖清同治九年三月朔三日戌時九天開化文昌梓

潼帝君降著

此中其意

此中其意

此中其意

孚佑帝君序

自三才定位人得中生太極圓
 光渾然各足穆穆其元湛湛其
 體初無缺陷之可指也者所謂
 性無有不善是也然而自有者
 天也自為者人也人不自為則

求去回生
卷一
負自有負自有則斷天烏乎其
至善又烏乎其為性噫人之不
可無功於性無功於天也良亦
切矣當今之世澆漓之風遍於
里黨變詐之習滿乎閭閻教澤
已衰誰復能遵

聖訓世風不古孰能懍厥

王章綱常名教之大防盡壞於驕奢
淫佚仁義禮智之實德俱敗於
利欲貪嗔世風之衰也人心之
下也善道之沒也嗚呼悲哉我
二帝君下憫人心上悲天運叩懇

蒼穹宏開教化慤慤然以正人心消末
劫是任其愛爾等赤子之心望
爾等赤子之意真至極無以加
矣然而世之陷於驕奢淫佚迷
於利欲貪嗔失其心而不知其
轉至此猶不知轉者果爾是無
人心也是直禽獸也尚得謂之
人乎哉爾等平旦有清明其何
以對我

關公

文昌

時

聖清同治九年三月朔四日戌時金

闕選仙孚佐帝君呂純陽鸞書

降著

蒲田格

是格猶陽之就職舉
優尚授德當賞均大凡
進有過見其不均由
人第遲速緩急之異者
亦俟有大大功大德彰
而具見不待考察者
彰必於此格內註名
此格無名則私矣雖
賞不能久受此偶有
名一經賞錫雖偶有
惡行可容緩罰也凡人
須勉入名此格也

上中下

按功賞錫其功可賞
但末核實堅定即行
賞否候察實堅定即行
而致較平素猶有駁
性去偏而後賞錫也
按功賞錫其功可賞
必候再賞錫其功可賞
也功虧而後乃可賞錫

玉帝定刷送救劫回生恩例

一有純孝之子。憂親不壽。祈禱無門者。準定能刷送回生二十冊。准增一齡。七十五外。不准具求。其有憂己。憂兄弟。妻子。朋友。不壽者。能刷送回生三十冊。准增一齡。七十外者。不准具求。遇有具詞。准照具詞日。即登蒲田籍。候刷送已行。准按刷送多少。如願遂求。註登壽籍。

一有純孝子孫。進慮已沒祖親考妣。魂沈苦海。欲求超度無門者。能刷送回生一十冊。准超一代道

遙。二十五冊者。准再生中土。三十五冊者。准登神道。為叔伯外親尊長。均同此例。但刷送之書上。必印沒者之姓名。刻某某敬送其有為兄弟妻子及外姪同輩與夫朋友等類。各照加五冊。遇有此等具求。准照具詞日。即行標名赦冊。候刷送已行。即准照例施行。

一有艱於嗣息。無論已經生育。預行懇保。及未經生育。叩求恩息。能刷送回生七十五冊者。准照具詞日。無嗣者。准即填標蒲田。已生者。同論。候刷

送已行無嗣者即准填嗣籍已生者即准填入壽籍。

一有修德敦品好學純儒半生辛苦上以祖宗之餘殃或厄風水地上未得一伸而欲求伸者能刷送回生二百冊准錫青衿能二百五十冊者增錫廩餼三百冊者增錫優貢能五百冊者增棘闈登名。遇有此等叩求准照具詞日登名蒲田候查實其人素行端正廉潔及有乖倫常一切淫殺惡行否無是等行而有美德候刷行後即准照例施行若

無美德而多惡行雖刷行不准而或前有惡行自叩求刷送之後頓改前非廣行新德准限五年查實無恙照例施行。

一有從前多行惡孽一旦知非頓行改轍但憂前罪積深求贖無自者能刷送回生五十冊准消前罪一貫以後照科遇有叩求准照具詞日登名蒲田候刷送已行即准照例具消前罪。

一有素善之人牽染時疫病苦者能刷送回生一十冊即准遣神捍免若在素多惡習不信正道之

人必能刷送五十冊乃准註免至論以後有無病患欲行預為保免仍以前贖罪例論遇有此等叩求除陽數已盡外准照具詞日即將現患減免候刷送已行即准免除此例凡為父母為兄弟妻子朋友各准減半

一今生行止多牽實為前劫冤累有能反省欲行超解者能刷送回生五冊准消一世仍以刷送行後方准照例施行

一有命犯官符牽訟莫依欲休者大者刷送回生

一百五十冊准免中者一百冊准免小者五十冊

准免均以刷送行後方准照例施行

一有身遭刑獄欲脫無自者大刑斬殺之類能刷送回

生一千五百冊准免中刑軍流一千二百五十冊

准免次刑笞杖牢之類一千冊准免下刑戒飭押之類七百

五十冊准免仍以刷送行後方准按例施行

一凡遇一切急迫苦難命在須臾許刷回生懇求

減免例在可免者准於進詞時即敕捍衛脫離苦

難救全生命不得仍執刷行例處明救急也

以上等例均經妥議。即仰北文昌欽承持行外。飛札佈宣。各省府縣鄉村城隍社令司命土地等神。一一敬慎持行。毋得故擱不奏。毋得遺漏。悞公為。此札飭。即仰欽遵。

具稟式

具稟某省某府某縣某某。今因某事照

恩例叩許回生書若干部。敢告於

本方土地。或本宅司命轉稟

聖帝殿前。賞准施行。後書某年某月某日具稟。

凡例

一此書均係列聖列仙。飛鸞降筆。扶世道正人心。其言皆顯易之言。其理皆平常之理。其功則聖也。其道則王也。不誠可與六經並傳哉。

一此書的是列聖列仙。親赴乩壇。飛鸞真跡。詩也。詞也。歌也。賦也。文諭也。各有意見。各如本量。試觀其言。即如見其神。若理事人等。冒名假託。定遭天譴。疑議者。其罪惟均。

一此書中之詩詞歌賦。有通韻者。有叶韻者。不拘拘

於凡人規矩。祇取其言順而已矣。祇取其理正而已矣。明人自辨。

一此書祇序跋中。用抬頭款式。餘皆從直。因詩文中應抬頭者甚多。不得不從簡便。此亦稟明聖帝。非敢故為冒瀆也。

一此書詩文外。附錄感應諸篇。又畧集此書之靈驗記。果報錄。次之彙集仙方。經驗良方。附之。讀是書者。不獨可以開心志。並可以昭警省。不獨可以昭警省。並可以行方便。願天下同志諸君子。廣為傳

佈。以體列聖列仙之心。則幸甚。

一此書始降於湖南星沙積慶壇。繼降於桃源金善堂。仍歸星沙告竣。厥後翻刻多而本真失。復終於積慶壇。求三帝君校正。以後補降。依次增刊。其訓諸生及土神俗語。各祖先名諱。宜在就刪之列者。帝君參閱數次。亦削而正之。而後始昭美備矣。願刻是書者。以此為定式。勿妄行刪改可也。

一此書前後三次列聖列仙。不知幾經往返。幾費心力。而後獲此盡善盡美也。倘海內君子。有志重刊。

須細心校對。以免訛字紛紛。不然愈刻愈訛。伊于胡底有心世道者。當不河漢斯言也。

一此書中之字跡。開有疑惑難明者。一恐抄錄或訛。一恐有元機在內。但已經列聖列仙校閱。切不可輕行更改。致失真言。

一此書可以救劫。可以消災。凡有求而印送者。定有恩例。具載詳明。某事應刷若干部。某事應刷若干部。果誠心照例施行。無不響應。

一此書可以折酬舊愿。凡折愿者。照所許愿。應費錢多少。平心刷書若干部。須具稟詞一道。載明事因。誠心於本境土地。或本宅司命前焚之。自無不驗。

一此書雖顯然易明。而不識字者。終屬茫然。但願知書識理之人。讀一篇則講解一篇。讀全部則講解全部。反覆比譬。使愚夫愚婦。知其大體。漸歸感化。其功德斷不小矣。

一此書知書者不可不講解。不知書者不可不聽信。若不講解。無由啟愚蒙。若不聽信。無由知事體。講解之聽信之。苟能身體力行。始終不怠。自然受用。

無窮矣。

一此書所到之處。即神所到之處。人見其書。須如見其神。切勿遺於閨房。令婦女穢褻。切勿置之賤地。令兒童碎毀。切勿束之高閣。視為無用之虛文。有不識書而難於檢點者。轉送他人可也。

闕聖帝君勸化總旨

吾之為斯世斯民。何如此其切也。而人之毀吾謗吾者。何如此其多也。嗟哉嗟哉。其關乎天也。悲哉悲哉。其非關乎天而實關乎人也。夫人秉天地之氣以成形。即受天地之理以成性。知覺運動。氣質之性也。仁義禮智。命義之性也。同此一。心。即同此一性。故雖聖賢不能無人心。雖下愚不能無道心。心同此心。分天下之心以為心。而心難周於一人。心各一心。合天下之心以為

心。而心可通於天下。故古來聖君賢相。其教宣諸朝廷。其化被諸鄉國。使人各盡其性。各致其命。橫暴化為醇良。頑讒化為謹恪。奸盜邪淫之事少。而忠孝節義之人多也。今時

主非不及唐虞。政非不及三代。奈為官者攘奪其君。刻薄其民。為士者不端品行。敗壞名教。為農者好謀田產。不講因功。為工者專尚奇巧。不思堅貞。為賈者賣假販私。不存心地。為婦女者忤逆妬忌。不顧廉恥。為釋道者穢污法門。不守清規。

人心之壞。一至於此。吾不得已而請旨下。凡降筆顯靈。代天宣化也。到處奔忙。為國救民也。勸人改過。所以消冤孽也。勸人遷善。所以培元氣也。賜福降災。吾之賞善罰惡也。痛哭流涕。吾之悲天憫人也。無如陷溺既深。久喚不轉。逢人說道德。笑為迂疏。遇人談因果。指為荒唐。言孝弟。言忠信。視以為庸言。言禮義。言廉恥。聽之生厭。豈知為聖為賢。工夫不外三綱五常。盡人見天學問。祇在正心誠意。道德為迂疏。將奸盜為非迂。

疏乎因果為荒唐。將邪淫為非荒唐乎。不信乎
吾毀謗乎。吾愚昧人出此猶不足責。有一種讀
書之人。妄談妄闢。欺侮神明。大可恨也。大可痛
也。嗚呼。吾日與人近之人。日與吾遠之。吾日與
人親之人。日與吾疏之。吾日夜不停。為人忙之
而人反不信之。吾艱苦歷盡。為人救之。而人反
來謗之。其不信也。與吾何損。是人自絕其天也。
其毀謗也。與吾何傷。是人自深其孽也。嗚呼。吾
承

上帝寵錫。望吾救世。世若不能救。吾將何以達
上帝。嗚呼。吾沐

聖主厚恩。望吾保赤。赤若不能保。吾將何以謝
聖主也。人苟體吾救世苦心。知吾保赤隱念。臨淵履
冰。省身修德。復其固有之良。明其本來之性感。
格天意。培植國運。則吾亦免奔命於塵世矣。神
道設教。豈得已哉。
時

同治十年辛未十二月十五戌時。統司三曹關降著

關聖帝君降孝雙親文

蓋人生所重者身也。而身之所自者雙親也。乾父坤母。聖賢孰不從此而立功。亦孰不從此而報本。人子值雙親具慶之時。實天地間大幸之事。雖披肝瀝膽。泣血剖心。要皆分所應為。無奇也。且孝德亦庸行也。生初以來。無不知愛其親。嬰兒孩提。即渾然聖賢氣象。天性也。性分中有孝。豈復有不知雙親者乎。嘗見貧夫苦志。朝夕奉親。趨步不忘其衷。飲食必竭其志。而肫肫默默。悉體雙親之心。親志而養。親歡而承。雖

菽水藜藿。自叙樂事於天倫。而鍾鼎牛羊。反有愧於此者。一則心而誠之。一則貌而飾之。古語云。能順乎親。即是大孝。孝而至此。庶幾可無抱慚於雙親者矣。可惡者。逆子忤媳耳。明明椿萱並茂。而盡孝二字。毫不體乎絲微。或私妻子而喪其心。或作非為而變其志。而人倫綱紀。又往往壞於名利兩途。堂上之憂喜無知。親心之悲歡罔覺。昏昏慵慵。竟忘其我身從何而來。不知孝而獨不見物乎。彼慈烏反哺。羔羊跪乳。禽獸畜類。猶知愛親。何況能信能語者。如人乎。飲食

衣服者。如人乎。念及此。不孝親。即忘親。忘親。即失身。而為禽獸所不恥者。孟子曰。事孰為大。事親為大。守孰為大。守身為大。事與守無虧。而後孝無虧。孝無虧。而此身乃不辜負也。夫人有受人之恩。被人之德。雖至薄之人。猶且知所圖報。雙親之恩。莫名也。雙親之德。無極也。而乃漠然不思。劬勞。忽焉致忘。養育。及一旦。風木傷悲。而雙親缺焉矣。或父亡而母存。或母逝而父在。具慶空踰。彼鰥寡其何悔矣。如此而猶不急。急以孝雙親者乎。而謂吾能不。諄諄以告之者乎。為

救去回生 卷一
人子者無忘雙親之德。急勉孝子之事。體親之心。養親之身。自不致為畜類之所不耻者。即可為聖賢之所取矣。嗚呼。慇懃垂訓。彼世人其遵吾之言哉。

庚午正月十五夕

土神語 吾乃本境土地是也。爾等設壇請祀。宜虔誠伺候。少時大仙降。

雲遊仙語 吾自岳陽而來。吾生前因功名未成。從師呂純陽老祖學道。取名雲遊子是也。訓易生。兄弟當同志。父忍子孝。親和順。自生福。小事莫紛爭。吾今夕不能久留。餘事明夕示知。吾去。

十六夕

土神語 壇內理宜肅靜。婦女休得在此閒言。此示。
雲遊仙語 吾也千辛萬苦。雲遊天下。只想功成果
滿。快樂逍遙。願爾等修身行善為好。
訓易生 年荒歲歉。聽憑天。各自調置。免受牽。爾
保爾身何細問。後來方知全不全。今已將近子時。
吾要朝謁去也。

十九夕

土神語 爾等須誠敬嚴肅。休得將神作戲。此囑。
靜靜山人語 吾自別凡塵。久居洞府。閒遊山水。爾

等有緣。遇吾從空降下。歌曰。

青溪草草結茅堂。靜坐安然一炷香。不是息心除妄
想。又緣何事可參詳。

雲遊仙語 一腔心腹事。說與爾等知。雖無李白量。
斗酒好吟詩。

訓易生 爾問家宅事。和氣自安然。各人心內意。
不必吾直言。忍字最為高。心上一利刀。能忍難忍
事。忍字更為高。父忍子須孝。夫忍妻莫言。兄忍弟
當敬。忍字可週全。吾等奉旨下。凡查察人間事業。

若遇有緣者。吾當分判。

二十一夕

土神語 吾乃本境土地神。爾不設壇。吾不臨。而今而後。須誠敬。莫負羣仙救世心。

廟王語 出乎爾者何心。反乎爾者何意。我等尚且伺候。爾等毋得心生疑惑。的是真正之神。

張大仙詩

倒騎驪背往仙鄉。一朵烏雲別玉皇。遍遊千山萬水。潤洞中自有白雲香。

今夕乘鸞降五天。雲飛蓬島雨如烟。三千世界無形影。八百山河在眼前。氣象包藏天地內。榮華境地付江邊。一心不亂靈臺鏡。收拾乾坤緩着鞭。問吾名姓。予也長。走盡千山並萬崗。二萬七千壽還短。方稱果老在仙鄉。

吾臨此壇。因爾等與吾輩有一線之緣。不然天下此壇甚多。吾輩豈輕易降之。餘事俟吾友來示。

功曹語 吾乃值日奏事功曹。奉列仙之命。報知爾等。今赴瑤池飲酒。要明夕降壇。此示。

二十二夕

土神語 今夕華壇早設開。大仙未降我先來。

韓大仙詩

玉笛長吹黃鶴樓。樓前月朗洞庭秋。秋江不息長流水。水斷歌聲總不休。

孚佑帝君詩

風送花香洞水深。溪邊閒立聽風吟。有人識得水同子。直到天台去找尋。

勸貧

爾等如何不悟空。人人只怪命途窮。富家本是前生果。貴子原非後世功。迭出英雄歸眼界。連添物色畫圖中。榮華恰似三更夢。睡醒方知造化工。

訓易生 兄弟同居忍便安。莫因毫末起爭端。眼前生子又兄弟。畱與兒孫作樣看。

二十三夕

土神語 來來來。華壇已設開。吾等同候苦哉苦哉。孚佑帝君訓羅生 爾問後事。吾有戒訟俗語。勸戒爾若何。

是非個個愛刁唆。說短論長事若何。誇我才能刀作
筆。破人家產快如梭。但圖自己囊中飽。那管他人獄
內磨。鼠雀相爭須勸解。休懷歹意愛錢多。
吾今夕所勸。乃戒世良言。可知否。吾去。

二十四夕

土神語。速來至壇前。一覽又依然。我等領法旨。毋
得久遲延。

列神報。靈官到。監壇童子。淨壇郎君在此伺
候。

孚佑帝君詩

幾陣風雲下凡來。飛鸞開化惺人懷。百年世事如春
夢。睡醒方知快樂哉。
蓼香月白惺時稀。潮去潮來自不知。除卻醉眠無一
事。東西南北任風吹。

訓易生。酒囊飯袋學問。壇前指點吾神。不看父
兄之面。空中霹靂一聲。爾自今後可戒之否。
訓羅生。爾問終身還尚早。誠心務正業。衣食無
短少。吾寄良言。勸爾之父若何。

血氣方剛壯士。莫倚情性欺人。一言不合怒分爭。烈火一般氣性。當忍一時忿氣。免擔百日憂心。忠言逆耳。莫生嗔苦。口藥能醫病。

吾此良言。非勸戒一人。爾等住居闢市。須將此數言謹記。

土神語 呂仙去得速。吾等報未遲。爾等所稟事。明夕自示知。吾等不敢假名冒判。

二十五夕

土神語 快來快來。壇已設開。理當伺候。莫捱莫捱。

鍾離大仙詩

即正陽帝君

輕風剪剪上崑崙。羽扇飄飄最可人。日月傍吾常出沒。乾坤隨我任浮沈。舟成飛到三清界。永熟修來萬劫身。知道蓬萊原不遠。漫教漁父指迷津。

跨鶴蹁躑別帝鄉。遨遊身惹白雲香。一輪紅日金烏躍。幾扇清風彩鳳翔。三島烟霞如畫裏。十洲景色鬢冥茫。浮沈般若船漂泊。苦渡時人上此航。

孚佑帝君語 吾自道光末年以來。奉玉帝勅旨。降鸞勸化。未到此方。今有勸世之言。爾諸生可代吾

廣為傳佈否。

醒世解劫文

歷年以來。吾輩跪伏金闕。哀求甚切。實不忍下民墮落苦海。深入迷津。而爾等胡不體吾輩之慈悲。觀往來之劫數乎。奉勸世人。勿尋花街柳巷。勿染喝雉呼盧。勿忘師背義。而舍進德修業之功。勿怨天尤人。而忘東升西沒之照。勿忤逆父母。不思卧冰哭竹之誠。勿欺犯君王。不念剖心刎頸之苦。張公百忍。九代同居。虞舜孝親。二女相嬪。成佛成仙。無非盡忠盡孝。為

鬼為魃。原是逞奸逞雄。最可惡者。殺牛犬以供饕餮。設賭廠以惑愚頑。貪美色戀洋煙。那個終身有好處。刊淫詞造邪說。誰人到底有佳時。說人是非。多是刁唆搆訟。淫人妻女。無非慾火滋炎。世上人夢寐間。思某處田園。可用謀而圖之。某處財利。可設計而得之。某處閨房。可引誘而私之。此等罪孽。縱得一時懽悅。究竟博終身之荼毒也。嗟嗟。死期將至。凡民何不自愧。死期已至。凡民何不自覺。故血積屍堆。奸雄愈逞。東逃西奔。巧計益多。凡民之苦。足惜。苦於劫者不足

惜。凡民之死足悲。死於劫者不足悲。何也。下民盡習於惡而不遷於善。吾今夜臨壇。無非望下民離於惡而遷於善也。離於惡而遷於善。無非望下民免劫也。爾下民能回心轉意。尚留一綫生機。革故鼎新。或可三開網面。不然瘟疫降臨。水火畢至。刀兵又起。霹靂騰空。四大部洲。人人有緣者可脫。三千世界。個個在數者難逃。目今下民能佩服不忘。吾即上奏玉皇。以回劫數。果遵行毋怠。吾即會群仙佛以佑斯人。今夜爾等虔誠扶鸞。凡在壇者能勸一人善。准五十功能。

勸十人善。准五百功。或體心而細思之。或詳審而講說之。或廣佈而勸化之。其造福良非淺矣。

文帝讚 金石之言。

孚佑帝君詩

吟情酒興兩勾留。東倒西斜認得不。又睡岳陽樓上去。味分一半寄寒鷗。

二十六夕

土神語 此壇此壇。莫當等閒。往來海島客。仙談仙談。吾等來伺候。清吉永平安。

周將軍詩

幾片烏雲下帝鄉。忠肝義膽鎮荆襄。英雄豪傑今何在。大節聲名萬古香。

吾奉帝君之命。報知爾等。須宜嚴肅。毋得閒言。若不信者。吾用利刀以斬之。聖駕少時降。

韓大仙詩

一枝鐵笛口橫吹。吹醒世人心不迷。迷性那知天膽大。大提丹氣澈江湄。

綠英仙姑詩

幾度春秋萬劫過。普陀山上事如何。相逢一一談元妙。虎豹巖前細琢磨。

孚佑帝君詩

岳陽樓上幾經秋。棟閣樓高水自流。任我徘徊歌曲調。憑他寂寞舍憂愁。吟詩太守今何處。掛劍神仙應可留。收拾乾坤歸袖裡。凡間富貴念全休。周將軍語。今玉帝升坐靈霄。帝君在伊處伺候。明夕親赴此壇。有諄諄勸化之文。爾所知詩書者。休得畏此辛苦。此示。

二十七夕

土神語 時候已來了。慈雲看縹緲。爾等須嚴肅聖
駕降臨早。

周將軍諭 爾眾凡在壇內。須靜心以思之。止目以
視之。洗耳以聽之。若不聽信者。手中有利刀。空中
有霹靂。諸生虔誠接駕。

武帝詩

忠肝義膽鎮荆襄。秉燭單刀赴戰場。要過五關離手
足。雁行折翼仍相翔。

諸生聽吾昔有覺世等文。勸之不醒。今再有解劫
寶訓看是若何。

解劫寶訓

上帝好生。尚奮雷霆之怒。聖王子惠。亦申鈇鉞之威。
吾操彰瘴之權。頗詡明察。決吉凶之報。動中隱微。邇
年來果報昭昭。看到底是真是假。勸你們雷聲赫赫。
切莫要將信將疑。無何改過未能。遷善未能。愧悔未
能。總不開自新之路。恃己如故。傲人如故。奸巧如故。
幾曾去舊染之污。只圖自己要錢。不顧破人婚姻。離

東坡全集 卷一 三
人骨月。惟恐他家無事。奚惜道其長短。播其是非。做成賭局機關。引誘良家子弟。扮作書生模樣。姦淫貞節婦人。詩書中識得兩個之無。便逞刀筆衙門口。認得幾名差役。遂鬧官方。或恃富豪而欺壓貧儒。或結痞匪而擾害鄉愚。或放債而索重償。或借公以肥私腹。或凌辱孤寡。以逞剛強。或侮慢老成。以恃伎倆。溺男溺女。全無父母心腸。屠犬屠牛。自有神人震怒。動輒笑談閨閫。一言輕出。不怕你玷辱祖宗。無端詐索錢財。百計施來。那管他斷絕烟火。師儒之才能有限。

當眾便肆譏評。天地之風雨不時。開口遂生怨罵。猥引神明而證事。妄指日月以盟心。鄙聖賢之教為迂談。誚陰隲之文為誑語。甚至子不孝於父。臣不忠於君。妻不敬於夫。弟不悌於兄。千古之綱常安在。在士或喪其品。農或荒其業。工或習其衰。商或罔其利。一生之職業何存。種種惡緣。難以枚舉。行行罪案。不可勝言。如此喪盡天良。試問誰逃陰律。吾今諄諄垂訓。爾其速速皈心。洗滌煩襟。迷途尚其急返。掃除塵障。覺路儘可前登。誰云苦海無邊。回頭是岸。知否浮生。

若夢轉眼成空。名韁利鎖放鬆些。便可做成漢子心。
猿意馬收攏來。何難修到神仙。嗟嗟苦口勸人。人心
依然偷薄。多言藥世。世俗亦復澆漓。如再執迷。愈加
責譴。爾作爾孽。吾試吾刀。

周將軍諭

爾等可代吾帝君廣為勸化否。

送駕

孚佑帝君讚

絕言也

東華真人詩

海島雲飛細雨濛。靜中降伏虎和龍。煮鉛且學長生
術。煉汞方成不老翁。

藍大仙詩

辦辦荷花不染塵。心如明鏡點珠珍。有人採取長生
藥。不是仙來便是神。

張大仙詩

我在龍山煉九丹。雲霞常繞紫衣單。乾坤袖裡青蛇
變。鉛汞爐中白玉環。

元妙仙童詩

雷聲霹靂震蒼穹。閃電飛騰北海中。吾輩乘雲風際
會。揮毫落筆指元功。

文川回生

卷一

看

孚佑帝君詩

洗心志却世繁華。正陽仙度種蓮花。金繩牽斷迷津路。寶筏浮沈苦海涯。句句勸人須悟惺。聲聲戒世莫矜奢。從今且把頭回顧。彼岸同登善可誇。

二十八夕

土神語 好把姓名猜。今夕我又來。哄堂一笑樂哉樂哉。

藍大仙詩

世事全拋物外華。飛騰北海種荷花。盤珠點點明如

鏡。靈火熬成一粒砂。

雷部制下仙童詩

一聲霹靂現青龍。白虎風從虎穴中。海島雲飛八百里。崑崙山上雨濛濛。

滄海老人詩

塵染靈臺不悟空。愚夫蒙昧豈英雄。迷津有路誰知覺。苦海無邊怎會通。

二十九夕

土神語 笑笑笑。今夕我又到滿堂閒空人。莫鬧莫

開。爾等所稟一切有緣者後有示知無緣者付
之流水閒人理宜肅靜蓋事雜則人繁呂帝為勸
世而來非只與人斷其吉凶可知否

李大仙詩

呂友勸化果心忠婆心一片付江東乾坤袖裡沾雲
雨富貴場中似雪融任我穿雲飛海角憑他戀色愛
芙蓉榮華乃是三更夢鉛汞無非萬世功名利兩途
貪不盡龍虎交合道無窮日月如梭憑轉斗光陰似
箭竟離弓多言藥世誰知覺苦口勸人孰會通矜驕

處世誇誰勝和順安家怨甚窮意馬不收非漢子心
猿抓住是英雄干戈擾擾流紅水瘟疫淒淒滿碧穹
快改心腸須火速趕修福善莫從容純陽道祖飛鸞
降喚醒愚頑一夢中

孚佑帝君詩

北風頭上響蒹葭醉眼模糊看月斜我在岳陽樓上
睡滿身香雪夢梅花

勉學詩訓羅生

雲山雖遠氣猶連品行端方猛着鞭秀滙湘流多俊

彥。雖連衡麓出英賢。三更夜月還宜讀。五鼓殘燈莫
息肩。足學自能飛彩鳳。金臺快意選青錢。

土神語 爾等自明夕以後。可收壇三夕。呂帝以慈
悲為本。念爾等辛苦日久。明夕宜具稟告假。以體
慈悲之意。此示。

三十夕

土神語 有事來得遲。爾等候多時。呂祖戌時降。報
知報知。

孚佑帝君詩

富貴浮雲總是空。腰間伏劍配雌雄。長生永熟須磨
厲。不老丹成要會通。

生等告假。吾念爾等虔誠辛苦。准。

二月初四夕

土神語 收收收。三夕已全週。一日不相見。如兩三
秋。如兩三秋。今夕開壇後。起過念頭。起過念頭。
壇內不比前次。宜盡禮儀。三聖降臨。須具衣冠。向
北跪接。此囑。四仙同起。

四仙聯詩

長安一夢悟源頭呂河水尋真迹象休曹華山赴召
胞胎化李解脫紅塵有渡舟何

孚佑帝君詩

地凝翠壁仿天臺。新月瀟疎石徑開。話到純陽詩意
懶。酒逢仙侶妙機來。堦前松柏含青艷。座上雲霞映
綠苔。大會瑤池應若此。重將下界作蓬萊。

曹大仙詩

月橫天際漾銀波。一片清風擁玉梭。宛爾瓊臺今夕
似。栩栩然雲路此間呵。眼觀六合形猶局。詩會羣仙句
總多。這樣風流纔算得。都緣真我不消磨。

李大仙詩

日月忙忙我獨閒。呵呵大笑走雲間。幾番酣酒隨消
遣。半局殘棋任去還。世事都從真處淡。塵心多向靜
中刪。昏昏大夢何時醒。數語剖開名利關。

何大仙詩

雨雪煙霞一畫圖。乾坤妙竅任虛無。天藏隱教人難
悟。世事浮塵道不敷。庶類沈淪迷孽路。羣真指引照
靈樞。都將法語傳中土。勿負老仙玉唾壺。

孚佑帝君自題

我自岳陽樓上來索我自題形狀。我勿題我自像。仙乎仙乎何放蕩。寄語畫工畫個醉像睡像。留與世人忙中看。纔是洞賓真模樣。

題曹仙

此老何心好。唱道情臨風鐵板聽分明。我問你。扶破了世間多少事。喚醒了世間多少人。則相與一笑。今仰視浮雲。

題李仙

這仙快活。手攜着葫蘆。誰知他有藥無藥。我不知有足難行。何以穿雲渡海尋真樂。踢開了利鎖名韉。終須讓他一脚。

題何仙

嗤這不過一婦女耳。不閱世不讀書。彼安知入山採藥。妙趣何如。煉氣歸真。妙訣何如。爾遊蓬萊。泛江湖。遨遊天地間。而亦稱為仙乎。噫。裙釵中得此高致。殆所謂女丈夫。

土神語 聖駕已離通明殿。速速迎駕。

武帝部下四將軍聯詩

轟轟烈烈性秉剛。前部周堅心謹守。在襄陽。後部關
不知天意絕炎漢。左部廖也得芳名。達上蒼。右部王
武帝詩

善惡全憑一片心。時常洗滌俗灰塵。盡忠報答皇天
子。鏡照清清分外明。

武帝諭

時維二月。序屬仲春。朔日群仙。曾赴瑤池之宴。夕陽
諸佛。閒遊海鳴之濱。是時也。天朗氣清。惠風和暢。譜

仙歌以奏樂。彈箏瑟以扶琴。衷腸咏罷。忽然憶及天
時。笙管吹來。倏爾情深。劫運群仙。嘆曰。玉皇震怒。賢
聖悲哀。慟干戈之擾攘。在數者難逃。嘆瘟疫之加臨。
有緣者可脫。呂翁答曰。非天不仁。為人自名。逆父母
而昧綱常。罔君王而忘職守。弟不恭。兄不友。手足傷
情。妻不順。夫不和。家庭乖舛。迷花戀酒。一生喪盡精
神。薄義貪財。半世用諸巧計。刁人訟。播人非。心懷荼
毒。割其肝。食其肉。性若狼貪。造孽海之茫茫。一言不
可勝數。降天災之疊疊。數載竟復連綿。吾卓立而對

曰人心不古。全憑陰陽勸來。劫運既臨。速把翔鸞降下。夫何鸞愈下而人愈迷。書益出而惡益多。詩賦才高。老祖堪稱傑士。詞歌曲調。先生乃屬宜人。曩日無才。尚降回頭之岸。昔年不德。曾書覺世之經。望老祖化積石以成金。殊為幸甚。呂翁應曰。請奉玉皇金闕詔書勅下。邀羣仙佛。玉鸞共降凡天。於是吾喜甚。羣仙亦欣然而笑曰。老祖發度千人之願。此日功成立。救萬民之心。斯時果滿。吾輩合頒請數篇。意莫大焉。但此數篇出後。惟願人人奉為箴規。個個遵為法守。

慎勿輕視。免致天譴。是囑是囑。

孚佑帝君詩

跨鶴飛虬遍四方。神仙何苦這般忙。都緣孽路皆昏黑。祇得雲遊佐彼蒼。韻不和諧悲憫切。詩無工雅意思長。蓬萊醉罷歸天界。演教文吉實聖王。

爾生等此後宜燈燭輝煌。酒果精潔。恐文武二聖常赴仙壇。若失禮儀。致有毀瀆。則是爾等之罪矣。訓易生。爾父子等毋得口不言而心暗悔。吾輩在此降鸞。不過喜其清靜。暗中自有增補。休言扶

鸞耽擱爾之時日。如人之疾病纏身。纏綿日久。尚要醫藥調理。吾輩增補爾等。如者園之草。不見其長。日有所增。爾眾生亦然。

再示。凡來壇問事者。爾等可照伊親供。謄正作底。再將紅紙端楷正書焚之。蓋此地愚多智少。由伊默稟。吾豈不知斷乎。但不存伊親供。恐其吵鬧。乩壇盡歸爾等之罪也。此囑。

初五夕

土神語 土地萬文彬。前本一庸人。幾句閒談話。心

性各不同。吾雖卑小。得歸神道。上帝勅命清虛法旨。在此條淨乩壇。爾等休得亂言。恐生三聖帝君之怒。

再示爾生等知之。此後須誠心謄寫。毋得訛錯。每夕設壇時。須掃淨乩壇。用香水以蕩其穢。再炳燭焚香。小心服侍。至囑至囑。祥雲靄靄。瑞氣光華。四仙降下。遍地開花。

四仙聯詩

得道終南不計秋。鍾鶴聲曲喚我酣樓。藍驪背狂吟。

文刊

卷一

星

求去回生 卷一
余混市。張仙歌玉笛任吾遊。韓

鍾離大仙詩

天上神仙別有天。也非修煉也非元。蓬壺得路惟心印。五府逢梯此氣旋。看化龍形知我相。參圓魚意見真詮。塵埃誰是彈琴侶。長嘯一聲喚結緣。

藍大仙詩

雲影天光幻若何。塵寰境地此消磨。神仙惟有哈哈笑。俗輩誰知踏踏歌。撒下花籃包宇宙。睜開醉眼看山河。詩中妙蘊揮毫掃。星月依稀照大羅。

張大仙詩

風花世界杳無涯。半是桑田半是家。天造千番新錦繡。我來幾個古烟霞。狂歌唱醒紅塵夢。妙法推開白浪沙。暫別蓬瀛臨下土。聊將詩話作靈槎。

韓大仙詩

雷霆筆下走忙忙。日月胸前運陰陽。世外乾坤原異樣。壺中甲子最舒長。春歸蓬島全無價。詩到仙林有別腸。淡語清言皆性分。不同俗句說荒唐。孚佑帝君題鍾離仙詞

人說漢鍾離。終日飲酒醉如泥。我說漢鍾離。終日飲酒醉不迷。畫工留個鍾離樣。神仙他無醉酒狀。酒中形。酒中像。要待世人醒眼望。

題藍仙

爾號藍採荷。試問一籃耳。荷花一生採許多。人說仙家不染繁華。是豈神仙也愛花。一籃採得乾坤下。凡人只說爾採荷。非耶。

題張仙

嘆世人不知老。利鎖名韁何潦倒。縱令富貴得久居。

人間那有長生草。我知道幾萬幾千年。原非果老。神仙長不死。纔是果老。

題韓仙

我問你頃刻花開。手段還在否。只見爾一枝笛兒。常持在手。常橫在口。有聲乎。天籟欲寂。無聲乎。仙露欲滴。吹醒世人。那有兩枝笛。

易生代問之件。伊父母之墓。此時可為平穩。凡為子有心。盡其孝道。自然心地勝如陰地。可保子孫无咎。

初六夕

土神語 速忙速忙。不敢慌張。吾等伺候。誠恐誠惶。爾等理宜嚴肅清靜。桂香宮文帝部下王大仙降 戊正武帝降

桂香宮王大仙諭

吾乃文帝部下。早皆王。吾奉三帝君之命。示諭爾壇內理事諸生。體善之心。要認真端莊。持守謹修身。勤勤護蓄。培根固。一路桃園樂錦春。

易曰。積善之家。必有餘慶。積不善之家。必有餘殃。書

曰。作善降之百祥。作不善降之百殃。此二語豈徒然哉。是故善不積不足以成名。惡不積不足以滅身。天理報應自有毫釐不爽者。夫何人心錮蔽。天性澆漓。善者日見其少。惡者日見其多。或為聲色以撓其心。或為貨利以奪其心。或為富貴以動其心。或為妻子以搖其心。遂至壞人名節。播人是非。只是人身獸面。刁人爭訟。道人長短。何殊虎噬狼貪。然世人殆謂行惡之人。應享榮華。行善之人。身遭困苦。而不欲行善乎。獨不思為惡不滅。祖宗尚有餘德。德盡乃滅。行善

不報祖宗尚有餘殃。殃盡必報。爾凡民何不細心體念之。彼世之或瞎眼。或跛足。或遭雷擊。或被火焚。或喪刀兵。或病瘟疫。天網恢恢。疏而不漏。其報應循環。天理昭彰。斷不差矣。斯時玉皇震怒。發下不祥之災。於下民。非天地之不仁。實人民之自召。幸有關公文。帝呂翁。跪伏金闕。屢求減免。所以命關公文。帝。呂翁。飛鸞開化。殊世人見之者。茫茫聽之者。渺渺。今呂翁又降數篇。吾亦來壇勸化。惟願見之者。猛然省聽之。者。惕然懼。互相化導。人人共出迷津。迭為勸解。個個

同登覺路。此吾儕之所深望也。是論。

土神語。武聖將降。闕人宜退。恐觸聖怒。吾輩難耽其憂。爾等何忍乎。生等恭迎聖駕。

四將軍報。吾乃周關。廖王。聖駕已至。閒人毋得亂言混雜。

武帝詩

生平志氣若長虹。四馬單刀出秦中。千里尋兄啟信義。一心輔漢竭貞忠。蠶眉縐破奸雄膽。虎旅威聲華夏風。未克三分歸錦蜀。惟留此志告蒼穹。

世風久病已成疽。滿地血淋且燕居。病入膏肓瘳未
易。靈丹惟有列仙詩。傳之宇宙思扶救。再看人情竟
何如。生等須存悲憫志。悽惶詩句其勉諸。

武帝諭

吾位居天曹。為上皇首相。掌三天門下之事。凡吉凶
禍福。無不由吾簡校。神仙真宰。悉皆受吾統轄。此在
天之位也。至於人間頒朝廷之典祀。享國家之太牢。
公侯將相。士庶紳耆。見吾無不跪拜。此人曹之位也。
若夫幽都鬼國。十殿三途。所設地獄輪迴。千刑萬罰。

皆歸吾之權衡。而為予奪。此陰曹之位也。吾之位三
曹其重若此。吾今日之旦晝奔勞。又若此。豈吾之不
自惜哉。實為今時人民片善不修。無惡不作。日積月
累。以至皇天震怒。災害遞臨。吾不忍生民之遭塗炭
也。因同二帝飛鸞開化。又復此地降筆數篇。實欲救
世救民。上輔國祚。下佑羣黎。共樂光天化日。而巴豈
有他哉。吾邀遍三教。費盡苦心。無非以清世道。以挽
人心。但出此書。皆天理人情之正。聖功王道之微。未
有奇怪之語。楊墨之學。世人覩此書者。當體貼奉行。

勿存異志。勿掉輕心。自然無求不應。無感不通。若見而弗見。聞而弗聞。一派欲心。毫無體志。勿論此書。即將古來之經傳。概行知識。有何益哉。直是衣冠禽獸。而巴吾屢見世人。輕褻善書。陰中受罰者。不勝其紀。故立前車之鑒。以為後車之防。是亦不忍之心所由迫也。不然。吾權衡三曹。豈區區發言者哉。爾世人能體吾之心。遵吾之訓。勿以吾言而等諸弁髦。付之東流。庶不負吾飛鸞開化之苦心。出此篇之本志也。嗚呼。漢壽亭侯之心。至此盡矣。

孚佑帝君語 嗚呼吾嘆聖帝救世之心苦矣。勸世之言止矣。又讚曰 聖帝宏恩無量。常駕救世慈航。功德巍巍。莫比收拾乾坤一舫。

孚佑帝君詩 數載飛鸞挽世風。千聲百喚醒癡聾。文章做破天人道。訓戒詳明萬世功。

戒洋煙

煙毒流傳遍九州。聖恩浩蕩下瓊樓。金丹普救羣生病。莫負天仁苦運籌。

訓羅生 爾前所作之詩。吾略略指點。詩中最忌
剛強語。沈靜工夫仔細求。不著顏色方見妙。一枝
淡筆畫瀛洲。

初七夕

土神語 今夕不非凡。吾亦心不安。報爾等知悉。桓
侯降本壇。恐惹雷霆怒。我等實難耽。 桓侯戌正
降。此時桂香宮。金甲仙至。

金甲仙語 示爾生等知之。仙聖之詩語。爾等毋得
私地議論不通。實皆字字珍珠。言言藥石。韓仙有

淡語清言皆性分。不同俗句說荒唐。二句。呂仙有
韻不和諧。悲憫切。詩無工雅。意思長。二句。爾等須
細思之。切勿輕視此囑。

土神語 桓侯將至

四將軍報 吾乃王 馬 嚴 張

桓侯詩語 吾乃張。奉兄王之命而來。詩曰

霹靂一聲下九霄。世間魑魅盡魂銷。誅奸殄佞維人
道。救劫消災輔聖朝。頑俗安心增孽障。兄王苦口救
劫消。好憑帆力撐歸岸。一念從將萬劫超。

桓侯諭

害苦哉我兄王。惱憾爾愚頑。做甚麼片善不修。敗盡
網常。喪天良心。如豺狼行。盡犬羊罪惡。積千萬觸怒。
了玉皇。因此降劫難。降災殃。刀兵水火。瘟疫蟲蝗。劫
運茫茫。累我兄王。不惜辛苦。挽狂瀾。與飛鸞。駕慈航。
救世膏肓。惱憾愚夫。太無良勸。之不轉。教之尤難。枉
費我兄王。一片心腸。枉費我兄王。晝夜奔忙。負心人
汝想想。能不淒涼。能不淒涼。吾今體兄王。吾今嘆兄
王。息雷霆。降飛鸞。諭爾多方。速改悔。莫徬徨。急宜遷

善。同享吉祥。方不負我兄王。方能慰我兄王。

示爾在壇理事之人。務宜體貼我兄王。數夕內再
降。倘有不遵。而加誹謗者。斬。是諭。

孚佑帝君讚。好剛方正直之語也。

初八夕

土神語。來到此壇。細語輕談。今夕何夕。使我心安。

戌初本誠仙降。戌末月華真人降。亥正孚佑

帝君降。

本誠仙詩。即滄海老人

文刊回生

卷一

五

香煙繚繞透雲峯。月映小園花影重。幾陣薰風隨輦
至。飛鸞開化寄行踪。

勸世語

語曰空者一也。一者理也。理者道也。道者教也。教有
道。則理生。理歸一。即空悟。天下事不外金木水火土
五行生。則仁義禮智信亦生。身體間不離心肝脾肺
腎五臟生。則人口耳鼻目亦生。而人之口耳鼻目。根
於五臟。是以有諸內必形諸外。五臟不良。斯人則口
必喜言惡。耳必喜聽惡。鼻必喜嗅惡。目必喜視惡。吾

知其人五臟不良。則口耳鼻目俱惡。而人之五臟根
於五行。五行又根於五常。是以有其體必有其用。五
行相尅。則其人心必不禮。肺必不義。肝必不仁。腎必
不智。脾必不信。吾知其人。五行相尅。則仁義禮智信
俱無。然凡民。如有能盡五常而改惡。變五行而為善。
遵聖賢之法語。效古今之典型。修心養性。通理達道。
於視聽言動間。非禮勿為。則道德乃成一化所生矣。
今有呂翁降語數篇。命吾本誠子。亦臨壇降筆。又有
桓侯關帝及諸仙。飛鸞開化。無非講一空字。惟願人

求去回生 卷一 五
人悟之。個個悟之。切勿輕視。免遭天譴。是囑。

月華老仙詩

一提人心淚悲哀。悔憾當初下瑤臺。世頽風俗難挽。轉辜負。旋乾扭坤才。

勸善賦

節屆仲春。甲辰吉日。跨仙鶴以逍遙。鞭金鸞而快樂。朝游蓬島。身藏日月乾坤。暮往衡峰。足履雲霞景色。邀群仙而赴宴。鼓瑟吹笙。迎眾佛以偕來。吟詩作賦。登迴雁之峰高。風飄羅帶。列朱陵之洞口。雲惹仙衣。

於是群仙滿座。話到衷腸。乃有眾佛飛觴。情深唱和。宣歌詞。敲樵鼓。風雅宜人。餐玉液。飲金漿。精華傑士。斯時群仙大醉。余亦枕石而卧焉。忽然日落西山。黃梁夢醒。倏爾月明北海。青鳥飛翔。有童子報曰。呂翁飛鸞。有韓仙答言。羣真降筆。余大醒然。不自覺焉。遂指青蛇而雲起。呼白鳥而霧生。跨上飛鸞。頃刻便來此地。毫揮沙石。翬時即賦斯言。聲聲戒世。孝居百行之先。句句勸人。淫為萬惡之首。開新來之路。勿自奢華。去舊染之污。須從樸實。雪月風花。振住心猿意馬。

士農工賈。鬆開利鎖。名繯苦海無邊。個個回頭是岸。迷津有路。人人悟覺。超生嗚呼。皇天震怒。降下瘟疫。刀兵。玉旨勅來。屢生乾旱。水火彰風雷之報應。顯冰雹之明誅。殲厥惡徒。使其長幽阿鼻。賞諸善士。令伊速轉輪迴。今呂翁降救。刳文吾月華。作勸善賦。望人而不悖。勿致冥誅。願個個以遵行。免遭天譴。是諭孚佑帝君戒貪詐詩。

煩惱城中窺一般。腥風拂拂浪潺潺。嘆無訪道鷺聞佛。祇有欺心雞度關。智慧惟憑鄰作壑。貪污真籍米

為山青鋒砍斷茫茫海。化出玲瓏碧玉灣。

其有問方者。明夕示吾已有救。刳之心。豈無救病之意。不知爾理事諸生。可體吾之一片慈心否。

初九夕

土神語 來至乩壇前。伺候羣仙。化作蓬萊島。萬古奇緣。雲霞繞繞。仙氣騰騰。香烟渺渺。月色澌澌。

藍仙降此。普救眾生。

藍大仙歌

藍採荷。唱仙歌。句句澈江河。刳運既來。休作惡。人人

行善莫蹉跎。刀兵擾擾瘟瘧起。是莫奈何。須改過念彌陀。

呂真仙救劫篇。聲聲藥石詮。勸孝勸忠詩厲切。戒淫戒酒語纏綿。洋煙賭博從頭講。誦讀潛然能持守。福無邊。

孚佑帝君戒淫詩

首惡為淫惡似鴟。胡為不戒竟迷癡。芙蓉乃是鋼刀。桃艷無非伐樹枝。損我精神身已朽。壞人名節罪難支。趕教共破迷昏陣。試問時人知不知。

勸忍耐詩

百忍張公九代居。時人不忍又何如。辱於胯下惟韓信。食止箪瓢有古儒。責我怨言休記憶。憑他怒氣若空虛。世間凡事何爭勝。且學煙波釣叟漁。

功曹語 吾乃值日功曹是也。今奉孚佑帝君之命來壇。將羅生所代之件示知可也。任姓之事。但為孚者。宜竭力盡心。以事父母。若示藥方。候呂帝親赴則可。吾不敢輕詩。恐悞人性命矣。

初十夕

王神語

今夜不非凡。滌淨此壇。端莊誠敬。恐觸聖

顏。戍正文帝降壇。爾等須衣冠齊整。衣冠不正

者。只宜旁侍。但爾理事諸生。亦宜侍立。此囑。

桂香宮列仙報

吾乃蘇 楊 黃 王 吾乃魁

星 吾乃金甲仙 天聾星到 地啞星到

吾乃馬 温 殷 爾等宜嚴肅少刻。聖帝降。

王元帥詩 奉旨出南天。巡遊界三千。鐵面驚神鬼。

火輪鎮坤乾。紅鬚兼赤髮。玉訣配金鞭。彰輝無私

曲。循環有定權。吾乃王聖駕。至嚴肅嚴肅。

文昌帝君詩

孝友真誠古大儒。飛鸞開化闡王謨。衡文有定心須

白。勵德無疵額自朱。筆底生雲皆善助。空中獻彩應

神扶。桂花祇發陰功樹。寄語園人好踟躕。

文昌帝君諭

今夫吾道宏敷。歷億劫而彌煥。神功丕著。聿萬世以

常新。秉盛德於當躬。久示修為之路。垂宏謨以度世。

大開遷改之門。念切人倫。闡孝經於七曲。提撕聾瞶

降救劫之全書。一十七世之簪纓。仁民利物。九十八

化之變現。輔國宏文。主宰文衡。原獎行修之善士。權司祿籍。端錫孝弟之仁人。發慈悲心。飛鸞開化。於在宏拯濟念。如意消劫。以生生覺世。牖民傳寶。誥於千世百世。掄才錄籍。秉精鑑於文場。武場。福善禍淫。桂宮之勸懲不爽。紀功錄過。棘闈之取舍維嚴。普勸寰區眾類。須懺悔以皇皇。慎勿辜負叮嚀。或聽聞之藐藐。登覺路。出迷津。仙真有望。勤誦習。誠宣化。福祿無疆。是諭。古大漸派開山王點謝文亦文山賦。吾觀前之詩文。盡一派苦心勸戒之言。不知爾生

等可體貼之否。夫凡為人者。貴在實心以行實事。則未有不成之事。吾自十七世為士大夫。為斯文之宗主。常存悲憫之心。懷累世行修。歷劫救度。故能居不驕帝境。證玉真慶宮。皆由勸化中來。生等若能實心行實事。亦不愧為人矣。夫臣致身於君。則忠盡矣。子竭力於親。則孝盡矣。忠孝兩全。其他弗類乎。爾等努力助成此書。切勿存虛假之心中。道而阻。半途而廢。勉之勉之。

王元帥語 爾等送駕返宮。吾均去也。

十一夕

土神語。嗟苦哉。真苦哉。後去又先來。爾等不體貼。我也悲哀。我也悲哀。

孚佑帝君詩話

酒酒酒。酌以三大斗。吟詩隨性分。惜無李白友。帶劍看雲到處宜。茫茫四海覓相知。乾坤事業三五酒。今古功名一局棋。不老山中乘白鳳。無愁天外駕青螭。黃金煉得終何用。聊說誅魔斬鬼詞。

藍大仙歌

採荷花。月影斜。我不染繁華。荷葉翩翩風裏動。蓮花瓣瓣座中誇。池塘處處聞啼鳥。蟬鼓頻搥催人老。酒便賒。

羣仙人。有原情。搜尋諷詠吟。詩詞歌賦篇篇切。道德文章色色新。奉勸世人須謹慎。善莫留停。刀雷疫。有原因。

孚佑帝君諭

吁。風塵擾攘。何窮民之類多。世局淒涼。嗟斯人之困苦。鮮衣缺食。嘆此貧夫。身下名微。有斯賤者。水溺火

焚。借官非疾病而俱慘。痧麻痘疹。及中殂短命而可
憐。慧眼觀來。誠可為凡民一哭。細心算去。都因爾世
人自招。滅倫紀而壞綱常。乖乎人道。肆奸邪而貪財
利。有犯天條。積孽債於身世。冥冥中早定循環。造罪
愆於深沈。斷斷乎難逃果報。吁。愚甚哉。從此宜知猛
省。噫。可悲矣。尚其體吾真言。急改惡而無作惡。自然
冤氣冰消。敬乎天。並畏乎天。穩卜千祥雲集。不然貧
賤禍天。難乎免矣。

戒洋煙詩

十人有九好洋煙。穢氣紛紛霧上天。有意擁從心夥
癮。無錢買辦口流涎。一鎗藥毒精神盡。獨火燈明骨
髓煎。願把屍身歸糞土。家貲拋却枉徒然。

爾生等聽吾吩示。此地疫氣甚重。凡來壇勅茶水
者。不可禁止。吾有救世之心。爾等切莫煩惱。倘事
難週。多設數夕可也。

十二夕

土神語 莫笑莫笑。今夜又到。求勅茶符。百病可療。
呂仙降壇。哀哀上告。

救去回生 卷一
孚佑帝君詩

淋漓痛快下鍼砭。一料金丹信手拈。驅魔斬鬼憑心地。慧劍靈房運筆尖。薑桂參苓終俗味。和平涵養自神恬。黃庭妙用此中寓。敲破重門萬象兼。

月色清明萬里天。遙觀下界我心懸。惟期化育逢春幸。氣象輝煌滿大千。

土神語 明夕酉時開壇文武二帝降。爾等宜沐浴更衣。酒果精潔。燈燭輝煌。小心嚴肅。為上。我亦免其憂也。吾去收。

十三夕

土神詩話 土公萬文彬來也。鸞臺化作一瑤臺。

萬丈祥光擁月來。大會蓬萊今夕似。臨期幸遇有

花開。酉正羣仙至。酉末桂宮羣仙至。戌初

三聖帝同赴

鍾離大仙歌

癡聾癡聾。逞甚英雄。人間富貴夢魂中。榮華拋却塵無染。無形無影。又無踪。元神煉就還虛境。任我遨遊西復東。蓬萊地。動微風。草木響玲瓏。

張大仙歌

呂翁呂翁。告誡過功。善惡分明。有異同。惡孽邪途歸
地獄。善良正直。達蒼穹。盡忠盡孝。神欽敬。無我無仁
鬼哭窮。改改改。莫從容。花開花正濃。

韓大仙歌

韓湘韓湘。心見性光。頃刻花開發。正芳。玉笛橫吹天
籟寂。東湖聲澈。破滄浪。喚斷長流。梅蕊落。風翻羽扇
白雲香。鞭鸞鳥。任翱翔。壺中日月長。

曹大仙歌

羣仙羣仙。快樂自然。飛鸞開化。降凡天。我等無才歌
曲。謂諸生有意。刻詩篇。奉勸世人。宜自覺。看個個
岸同登。迷津路。苦海邊。寶筏渡川前。

桂香宮四佐相聯詩

五色祥雲離桂宮。金甲仙天香馥郁繞壇中。斗口魁
飛鸞開化明綱紀。天龔星木鐸聲聲挽世風。地啞星

吾乃桂香宮王 楊 黃 蘇

吾乃馬 温 殷 王隨駕

吾乃武帝部下關 廖 王 周隨駕 孚佑帝

君臨

孚佑帝君詩

乾坤雖大任吾遊。常駕慈航渡世舟。四海五湖皆泛到。千聲百喚幾時休。人浮水國難登岸。我學漁家苦放流。滾滾狂波宜早出。老仙引你到瀛洲。

周將軍語 志氣天高。手秉大刀。威風凜凜。斬鬼誅妖。吾乃周是也。隨武帝臨壇。爾等恭迎聖駕。

武帝詩

邀徧羣賢與衆仙。道明至理闡明元。文章說破回生

訣。詩話造成渡世船。普看紅塵昏烈焰。遙觀赤子痛蒼天。神仙為我無閒日。祇此慈悲不忍捐。

王天君語 轟轟烈烈。心剛面鐵。赤髮紅鬚。金鞭玉訣。吾乃文帝護駕王是也。爾等小心迎駕。

文帝詩

陰騭一篇渡世舟。全函救劫濟明幽。權衡錄籍端先孝。主宰科名重厥修。闡道成書功蔭遠。代天宣化福長流。才高德厚無他累。積紀桂宮詔五樓。

再諭

吾奉帝敕。顯化人間。糾同諸部。率領眾仙。考校善惡。判別忠奸。有功者賞。積惡者殲。彰輝不貳。予奪維嚴。奈何世人。心性變遷。不忠不孝。無禮無廉。欺誣詐偽。鄙吝貪慳。不修善道。日積罪愆。奸邪欺詐。尤而效焉。端方正直。譏毀無邊。大綱顛倒。惡焰盤旋。腥聞在上。觸怒皇天。水火盜賊。疫厲烽煙。武帝呂帝。同吾潛然。飛鸞開化。喚醒癡眠。垂書降筆。五字金篇。今復重誠。諭爾閭閻。惟善為寶。造惡孽冤。萬惡淫首。百行孝先。陰功陰德。匪勉曲全。體行斯諭。自造福田。錫祿增壽。

科甲蟬聯。輕褻毀侮。勅令森嚴。雷部火部。誅殛殄殲。誦持傳印。免過消愆。久行不怠。福祿延綿。此諭

王天君諭。爾生等可將吾帝君之淺鮮言語。大書貼於市上。看此愚頑之輩。可省悟否。不然瘟疫降臨。悔何及矣。十數年內。死於疫病者多。喪於刀兵者不少。還不知改過行善。良可惜也。再奉三聖之命。諭爾理事生等曰。誠心誦蓼莪。禮拜著兩尊。彌陀。生我鞠我。精神蹉跎。為的是甚麼。午夜細揣。摩。二老恩德實是多。多多忍呵。急早誠心誦蓼莪。

各賜酒一杯。須體貼行之。莫負聖帝之意。送駕返宮。

孚佑帝君訓 天運循環。無往不復。貧富壽夭。各有定局。爾等所問之墓。隨緣過之可也。但富者修培。以保之。貧者修培。自富之。若不修其身。孝其親。雖有財。亦可惜矣。

十四夕

土神語 日久西沈。月又東升。吾等在此。伺候呂真呂帝至。

孚佑帝君詩語 昨夕二聖返宮。言爾等頗有體貼之意。爾等此後。須遵行勿怠。

神仙兩兩任去來。特為斯人化鬼胎。漫道雕龍皆北海。好看吐鳳說東萊。黃庭暗昧休誇妙。白面風流詎是才。一本萬殊無別意。源頭活處有花開。

爾等將此疏語細思之可。

訓羅生 爾有何事問吾。 爾說吾輩非神非仙。何必問乎。下去。噫。吾如此苦口苦心。勸戒此地。何得尚有此等人。臨吾此壇。此真不可解之事也。

土神語 有酒自成詩。無興懶下棋。數句荒疏話。聊說謝相知。老仙欲再叙。白雲繞階墀。吾去也。收。

十五夕

土神詩 瀛洲閭苑會羣仙。此地別開一個天。雲繞鸞臺疑玉府。神人共會濟回旋。

飛天魔王詩語

奉命下鸞堂。神威蕩四方。金盃懸日月。鐵面夾風霜。滌穢迎千聖。除邪降百祥。清光達上界。好炷玉爐香。吾乃飛天魔王是也。奉三帝君之命。前來掃滌。乩

壇。又命當方土地。每日輪流看守。又命本宅土神。輪流掃蕩。毋有怠惰。

爾生筭此數日之內。宜未時開壇。毋得遲緩。此諭。

王元帥詩

輪車來往急如飛。鐵面鐵心佐紫微。踏下鸞臺傳聖命。諸生好覓白雲扉。

吾奉帝命而來。爾生等將前群仙之詩話更正。少時三聖合參。宜刪者刪之。宜改者改之。生等不可怠玩。此囑。武帝駕臨。

武帝詩

碧空惆悵駐鸞車。月照階前樹影疎。赤淚淋袍悲赤子。丹心破石荷丹書。洪鐘遠振三天外。暮鼓頻催五夜初。惟望風淳還太古。民安國泰樂長舒。

王元帥語 文帝駕臨 生等將詩文誠心正目誦之候。爾等送駕返宮。吾等亦去。

孚佑帝君詩

蓬萊未會眾金仙。臨降斯壇應有緣。我料凡間誰遇我。天教福地別開天。詩詞話曲皆醒世。醉酒酣歌亦

喚眠。乍聽雞鳴催漏盡。一聲長嘯入雲烟。

十六夕

土神詩話 護國佑民體聖衷。不辭勞瘁挽頽風。惟期化育啟忠孝。早住鸞臺返故宮。今已將近成功之日。爾等務宜誠心體貼。不可稍有怠玩。再此中凡有關勸世之言。更正刊之可也。

孚佑帝君詩

對面青山樹色幽。天然一個小瓊樓。清光洗出珊瑚架。靜氣遙涵鸚鵡洲。老樹陰濃如保養。高巖峻峭自

風流。雲梯隱約如虹貫。半是蓮花半是舟。

十七夕

土神語 吾乃土地是也。諭爾理事生等知悉。切不可將神作戲。任意輕褻。恐加責譴。三帝示諭多久。此地愚多智少。若不信者。爾等何必計較。自有天譴。呂祖戊初降。仍舊小心伺候。爾等之誠意盡矣。爾等所稟。吾已先稟知呂帝。此時不必與伊計較。三月之外。自有大害臨身。那時伊追悔無及。方知果報顯然矣。呂帝駕至

孚佑帝君訓

夫神道之設。明道也。人不能知。而神道之也。然則神亦果何道。乃忽有人曰。此道外道也。予曰。是惑之甚者也。夫道一而已矣。一者何。理是也。理不能正而或邪。理不能真而或偽。正者理而邪者非理。真者理而偽者非理。神道教人。正者褒之。而邪者貶之。真者喜之。而偽者惡之也。即或始而震怒。繼而委婉。始而獎譽。繼而貶抑。教人之法。各有不同。而其義則正也。其言則真也。正而真。非理而何。即非道而何。而竟有議

之者。吾不知其為何心也。乃忽有人曰。此精也。怪也。豈神也。聖也。子曰。是又惑之甚者也。夫精怪邪也。聖神正也。精怪能害人。惟持其邪。神聖能勸人。能歸於正。仁義禮智。天之正。虛誣詐偽。人之邪。人不能踰天。而邪不能勝正。精怪虛誣詐偽也。聖神仁義禮智也。豈仁義禮智。而猶虛誣詐偽乎。豈虛誣詐偽。而猶仁義禮智乎。夫如是。則神道真。神道正。即理與道可顯。然而大明。而嘒嘒者。乃實為其精怪。實猶以虛誣詐偽之小人。而私毀仁義禮智之君子也。豈非謬哉。如

是斯人宜知猛省。不然。瘟疫臨身。悔何及矣。

詩訓

點石成金是大羅。長安一語勝元多。黃梁煮破神仙果。素履踏開進士科。五百春秋容易盡。三千世界幾時過。風塵落落皆煩惱。好聽清音擊楫歌。

爾理事生等。何得如此任意放蕩。褻瀆吾輩。歸爾等之罪也。吾早已命土地報知。何必定要計較。自有天譴。不化者則不必與伊談及其事。各盡各之真心。吾自錄其功過。吾乃慈悲為本。誹謗者自有

雷部疫部諸神降殃。爾可知否。明夕未時開壇。去
土神語 吾不好酒。何用大斗。功成將近。只求託手。

十八夕

土神語 吾報爾等知悉。呂帝吩示未時開壇。使爾
心歸一也。 呂帝酉時降候。

孚佑帝君詩話 爾諸生。吾再加戒勇數言。須謹記
之。

戒勇詩

有勇無謀不可當。有謀無勇亦無妨。事中些小休爭

勝。暗裏牽連莫鬪剛。暴虎賢人猶不與。斷橋將帥又
何強。隨緣度日憑他去。忍氣吞酸禍未嘗。

伊乃一派賤巫之流。爾等何得如此量小。况伊與
人誦經禮懺。信口亂言。已不知其罪孽殊深。冥冥
中黑籍將滿。吾故不以怒言教之。非其人也。

再諭爾等自今以後。須將此稿速速更正。不可怠
玩。切勿聽其誹謗之言。廢此善功。但吾同武帝所
降醒世解劫文。救劫寶訓二篇。爾等業已傳出。倘
有善人。或刊成單章。或附刊善書中。此一難定之

見也。恐爾等見之。又將此文作為舊詞。但爾等別無他意。即是舊詞。刊之亦不為無益之事也。爾可知乎。候此書成功之日。凡在壇理事者。文武帝均計其功也。

三月初一夕

土神詩話 燈光燭影照天庭。香花酒果候帝君。一點誠心通上界。吾神不枉苦辛勤。吾與爾等一別數日。今又相逢真奇緣也。爾等須預備花爆。以作迎送温太保之用。前三日温天君身奉玉旨。下

凡降劫。今夕過此。臨壇有諭。爾等須誠心為貴。一切男婦宜肅靜。勿使小兒哭鬧。况隨駕虛兵瘟將甚多。恐有觸犯。悔無及矣。此諭

温天君詩

羣真何地不臨鸞。闡教非難受教難。救世靈方無售處。悲天苦調對誰彈。紛紛赤子皆遭劫。耿耿丹心總未安。所望頽風齊挽轉。同登彼岸出波瀾。

温天君諭

吾奉玉帝勅旨。率領五瘟下凡降劫。劫降誰降的是

不忠不孝。不仁不義。不友不恭。及奸盜邪淫等。這些惡類。喪盡天良。壞亂世道。若不將他收盡。世上那得清平。婦女之中。有不孝翁姑。不敬丈夫。不和妯娌。不惜五穀。及尚豔妝輕物命等。這些惡婦。敗壞人倫。乖亂風俗。若不將他收盡。天怒何日能消。所以每逢臘月三十日。通明旨下。吾即帶領瘟兵瘟將。按著圖籙。照著次第。所到之處。便將瘟旗插了。瘟丹散了。並嚴勅雷令。以充瘟疫之劫。霎時安樂世界。便成個淒淒涼涼的形局。豈不慘麼。但吾雖是按名施行。却也無

一定的死數。只要你們真心痛悔。永遠為善。我就召回瘟兵。准你們無事。若是依舊作惡。全然不改。五瘟一到。管教你家門不得清吉。那時節死的死。哭的哭。也是遲了。這樣說來。你們世人。不怕吾嗎。但世人怕吾。却不知吾亦怕世人。且敬世人。忠臣孝子。義夫節婦。兄弟恭。正士端人。這樣善類。吾不惟欣羨他。還要敬重他。保佑他。為甚你們世人。不照著他做。反把一切。孝弟忠信禮義廉恥的大道。都件件忘却。如此造孽。却是逼著瘟鬼上門。自尋死路。到了那箇時候。

就是把我溫天君。唵了幾千百聲。祭了幾千百次。難道五瘟就饒放你。就不敢鎖提你嗎。真是自作孽不可活了。又有一椿最可恨的事。一遇瘟疫流行之時。却不知真心痛改。永遠為善。甚麼做齋打醮。繫像設臺。化錠投文。敲鐘擊鼓。種種粉飾。以為悔罪消災。吾不知悔甚麼罪。消甚麼災。却是自招罪過。有甚好處。更有請幾箇妖僧邪道。書符唵咒。說是驅遣吾神。可保平安。那知吾神奉上帝勅旨。下凡降劫。就是天上真宰。他也不能阻攔。妖僧邪道。有何法力。敢言驅遣

嗎。若是法力可以驅遣。是天師之府。再也不遭瘟疫了。你們想想。那有這箇道理。至於做齋打醮。禮懺諷經。是上帝開悔過之門。准人改惡從善。懺悔前愆的意事。世人能真心痛改。永不為惡。又將三教經典。誠心諷誦。那經文上教做的。我便跟著去做。教人禁戒的。我就時刻禁戒。一心不亂。諸惡莫作。這樣懺悔。那老天也就歡喜他。定然免他的過。還要賜他些福祿。你們世人却不如此。總是一味私心。平日作事。已種禍根。一到家門不清吉的時節。便許東許西。求神保

佑別樣善事覺一毫也沒有。只見你們一遇著神聖的像。便燒許多紙錠。以為就可消災。就可赦罪。這樣說來。天曹神聖。都被你們賄賂了。神聖能賄賂。是貪財之家。常常平安了。神聖也全無正氣了。你們想想。又那有這箇道理。總是你們世人。顛顛倒倒。全然沒有一條正路。一切悔過省愆的事件。都落在虛浮一邊。我今發大慈悲。普告世人。不可做那些無益有損的事。只要好好敬童五倫。莫行邪道。心心念念。常秉者一箇誠字。若能依吾之說。不敢有違。自然家道昌

盛門庭清吉。那裏還有甚麼禍事侵擾。若是不遵吾訓。依舊作惡。那時怒惱了我溫太保。試問你那裡逃避。

孚佑帝君歌

呂仙呂仙。來壇結緣。無緣不度。有緣即仙。說起神仙。快樂無邊。有時虛空遊覽。忽而霧裡盤旋。或往瑤池赴宴。或在洞府酣眠。悶來哈哈笑。興至唱歌篇。說起許多樂趣。那像人間。這幾年奉勅開化。時下凡塵把民勸。說此性天。談此真言。說破喉嚨無人聽。這些愚

民多為利欲牽。利欲陷坑。人人纏綿。老仙施惻隱。常
放救生船。有一些微微甦醒。幾人尚在酒色眠。哈哈
凡夫昏迷。難以轉遷。大嘯幾聲。都來結緣。大肅幾聲。
都來結緣。

土神語

桂宮四佐相到

文帝駕臨

武帝部下

四將到

武帝駕臨

武帝詩

平生志節在春秋。浩氣英光萬古流。一片仁慈憐失
足。幾番告誡望回頭。鸞臺來往皆三教。馬迹縱橫遍

九州。况瘁多年無少息。顏風不轉意難休。

孚佑帝君詩

醉卧煙雲不計秋。飄飄淡淡自風流。眼光照處塵烏
有。筆浪翻時話未休。酒盡三觴歌竹句。詩成一葉唱
蓮謳。神仙吐屬原清雅。那像凡人但說愁。

李大仙詩歌

結緣須遇有緣人。造化無心一點真。能却非非參是
是。自明了了悟因因。沈淵都為多牽欲。得道祇消不
染塵。詩話粗疎聊指引。喚醒夢客出迷津。

歌曰。呵呵。此境之妙也。峰迴路轉。樹老花鮮。雲繞山巔。池漾清泉。松柏栽滿園。別一人。佳佳羨羨。笑世人好惡偏。忙忙碌碌。染污不淺。可惜此地。少人緣。祇結仙緣。蓬萊眾友。個個來談妙元。助成此書。造為渡世船。談談笑笑。瘋瘋癲癲。粗詩幾句。醉歌一篇。飲酒三觴。樂陶然。醉八仙。呵呵。奇緣。呵呵。奇緣。

乎佑帝君訓。吾自正位以來。嘗雲遊天下。點化人間。或有設壇請吾。或問吉凶。或問功名。吾竊厭之。惟因其心。猶知敬

信神明。故亦不惜指示。然雖指之。大半皆屬隱語。未若今之顯明而易曉也。而世之無識者流。往往生輕怠之心。反以淺鮮言語為不足重。豈知此時降筆垂書。乃闡明聖賢之大道。指破善惡之關頭。非詞理明達。剴切曉諭者。何能俾智愚賢否。齊歸於善路。此中庸之道。所以不偏而平常也。若欲演妙談元。以著其奇。非惟人不能知。且又何益。但出此書。深淺包藏。亦是體中庸之道。顯化人間。佳恐八不知其大道。或疑或議。有招過愆。故吾今夜臨壇。文內之義。互相指明。

使人人皆知神道之正也。豈有他哉。諸生其知之。
周將軍諭 三帝有命。爾等抄錄此稿。其中有訛字
者。有落句者。明日校正。後夕臨壇再閱可也。其序
跋並籤亦後夕示。再酌酒三杯。賜周生。銘曰。善
路相逢志最堅。始終如一勿斷連。贊成此書功何
厚。積福之人祿壽綿。爾等送聖返宮。非時
時纔護帝返宮。命吾來壇諭爾等。知此。懋爾等有
一念之誠。明日午時。使爾等或祖或父一會。並降
家訓一道。爾等須各親書祖父名諱與吾。以好召

齋超壇可也。吾上奉帝命。下告閻君。多有奔勞。方
可召齊。爾等宜精備隨時蔬菜。可知事死如事生。
事亡如事存否。

孚佑帝君詩

廣大慈悲法力元。元門悟透見先天。天樞祇在人三
臟。臟腑光明做神仙。仙家不愛戶封侯。侯爵顯榮詎
未休。休以人心輸慧氣。氣凝化境赴瓊樓。樓臺倒影
映池泉。泉石清流各一天。天賦何如完我素。素心化
處格坤乾。

爾等有欲求辟瘟符者。明夕吾請張天師赴壇。各勅一道。以保清吉可。

初二夕

土神語 周將軍帶領爾各祖先至

周將軍諭 吾帶領爾各祖先至。吾昨已囑爾等午時。今將未未。聖帝已示。來往止可三時之久。爾各按名報上。候陳設合享後。合降治家文一篇。切勿違悞時刻。吾去。
古體
理事生等各祖先聯句

牡丹牆陰望春風。荷花出水波映紅。黃菊開罷寒梅發。四時韶華渾不同。須知日月本梭遞。黑髮忽忽白頭翁。宇宙茫茫如夢幻。無常一到萬緣空。

合降治家有法文

木從繩則正。玉以琢而良。天下事斷無不為而成者。家之貴於治也。其義一也。然其所以施治者。又莫貴乎有法。明倫循理。其一也。長則愛幼。幼則敬長。父慈子孝。兄友弟恭。夫秉於正。婦盡其柔。伯叔子姪。以分相聯。姊妹弟兄。以禮相待。奴婢僕侍。寬以御之。閨閣

救去回生 卷一
內外肅以臨之。勿食非分之食。當念物力維艱。勿衣非禮之衣。須知驕侈非福。冠昏喪祭。恪守禮而無遺。門宅第居。安其分而勿妄。於此治家。斯為有法。積德務本。其二也。勿恃貴而凌賤。勿倚富而壓貧。勿暴殄天物。勿恣肆驕淫。勿重利謀人。勿刻薄處世。勿殺生害命。勿構訟興辭。勿輕慢家祖。勿失禮神明。勿占人便宜。勿談人過失。勿奢華。勿吝嗇。勤耕勤讀。守乃家風。為工為商。保厥心術。莫貪不義之財。貪為天怒。莫淫損己之色。淫必殺身。子孫務教正道。交遊須近賢。

良荒逸是戒。保衣食之有全。而廉恥可以不墜。清白是持。惜聲名於粹美。而名節斯可弗虧。於此治家。斯為有法。和睦嚴正。其三也。家中所忌者。猜疑耳。父子夫妻。兄弟叔姪。一有不和。必至互相疑忌。或偏聽婦言而失養。或溺情妻子而滅倫。日事參商。斬而爭鬪。非興家之兆。實敗家之尤也。是故和睦為齊家之本。信夫信夫。他若匪僻宵小。三姑六婆。隸卒倡優。巫師妖邪。亂家之媒。莫過此等。是不可不深為禁絕也。至於陰教一節。尤為正家之要。豔妝必戒。柔靜必啟。觀

去 卷一
鐙玩戲在所必禁。生產之婦未盈月期。勿令妄近日
月井竈。於此治家。斯為有法之三者。乃理家之本。興
家之原。齊家之要。體而行之。則家道昌隆。子孫發達。
百代宗支。可無替矣。欲治家者。慎以吾等之言而式
效焉。

聖帝之訓。爾等宜各遵之。切勿有違。我等今日相
逢。皆聖帝莫大之恩。亦爾等為善之誠也。但此書
須努力早成。吾等神道可望。奈此時不能久留。筆
有餘而情不盡。此篇聖帝有命。亦可列於書後。使

爾等朝夕省覽。並足以示世之治家者。候書成之
日。再可臨壇一會。吾等洒淚而別去。

土神報 桓侯酉正降。須小心伺候。

張桓侯詩

丹心耿耿保兄王。說起孫曹恨未忘。豪傑威風聞瓦
口。英雄壯氣播當陽。皇天有意驅龍虎。素志難灰逐
犬羊。名震閭中光漢史。三分大義著堂堂。

張桓侯訓

諸生各各肅靜。吾言仔細聽。聞於今世界。不古。機械

變詐紛紛。富者貪財刻薄。貧者諂媚營求。為士不務
道德。作事常往下流。蚩蚩農工商賈。因之昧盡天倫。
不聞孝弟忠信。時見愛欲貪嗔。故爾睚睨在上。惡氣
直觸天庭。玉帝天尊震怒。通明召齊雷霆。勅吾雷火
二部。善惡兩字題目。善者吉神擁護。惡者即上圖錄。
又恐愚民罔覺。復而顯化飛鸞。垂書不辭勞瘁。只望
挽回狂瀾。吾言諸生宜體。切勿枉負叮嚀。遠遠前程
可望。影到自能隨形。

孚佑帝君詩

送去燕雲好丈夫。老翁獨自下蓬壺。參仙勝果無塵
障。救世靈丹有智珠。黃鳥常依風月主。青山每笑利
名奴。此緣錯過真堪惜。善是天然快樂圖。

爾生等誠心迎接天師

清虛真人張天師詩

龍虎山中萬法藏。除魔蕩穢靖陰陽。三千鱗卒隨風
遣。五百雷神輔日匡。奉勅征誅清宇宙。司天鎖鑰翊
皇綱。深憐塵世趨邪道。願作鬼精被斧戕。

清虛真人張天師諭

今夫邪魔之怪。由來久矣。山精水獸。物之怪也。魍魎。魍魎鬼之怪也。乃有一物。更甚於此類者。不懼朝廷之鈇鉞。任意作惡作妖。不畏雷霆之殛誅。罔知盡忠盡孝。貪婪無厭。行盡豺狼。欺詐迭生。心實蛇蝎。此非物之別者。實世間之人耳。獨是人為萬物之靈。五行之秀。賦性堯舜。德備聖賢。修身盡性。則仙佛可以成。忠主孝親。則聖賢可以至。日月爭光。河嶽並壽。其為人。也尊而貴。靈而奇。有如此者。吾以為怪。毋乃過乎。然而山精水獸。物之怪也。而吾號令一出。五雷聽命。

彼莫不斂藏而懼誅。魍魎魍魎。鬼之怪也。而吾律令一下。百神馳驅。彼莫不驚惶而逃命。獨至人被服戴冠。豈蓬頭而露背。知覺言語。非角觸而口鳴。而乃不畏天命。不畏雷霆。並不畏神誅鬼殛。名雖人身。實為怪物。吾以為怪。不亦宜乎。然而怪之不足恃也。罪盈惡滿。天罰之屢屢。何逃。提魄奪魂。冥誅之種種。奚免。一生巨惡。至此親償。畢世奸心。於時莫隱。以云怪。猶能怪乎。吾願世人存光明正大之心。去禽獸鬼魅之念。改惡遷善。以保其身。慎勿至戴角披毛之時。始信

求去回生 卷一
人身之難得也。世人可圖之。

祝符語 玉旨勅清虛。令下萬邪除。三千鱗卒斬。五百雷神誅鬼妖。盡喪膽。精怪永遠驅。百福齊降。至。千祥盡迎之。爾等要勅符篆。宜炳燭焚香。用墨筆書清虛之令。五雷水鎮。再用白芫取清淨之水。交磨銀硃硃砂。上書震卦。下書坎卦。令字上加書勅字。虛字上加標印字。再用金光神語。誠心祝之。此符切不可輕視。褻瀆。倘遇有災難之時。可焚香炳燭。虔誠將前語祝之。無不響應。此示。

孚佑帝君諭 爾生等將此書稿。用心校正。以便二帝來壇參閱。但今值春深。爾等勤勞。修積善書。難免疲倦。今夕各早安眠。以養其神。吾去也。

初三夕

土神詩話 善心只求一點誠。誠虔瑞氣達通明。明真宰飛鸞降。降下凡塵度世人。

孚佑帝君詩

湖南猶是舊塵埃。散淡風流自古來。點破癡迷歌一曲。藏身妙行酒三盃。囊中採就伏龍劑。筆底修成吐

鳳才大會羣真齊普度老仙因此下瑤臺。

土地報 爾等迎接聖駕、

桂宮列仙報 吾乃王元帥是 吾乃楊 杜 黃

王

武帝部下列仙報 吾乃周 關 廖 王

文武二聖臨

文帝詩

雲霞繞繞煥天河。桂樹叢叢點玉珂。大洞鈞音傳妙行。文宮真賞振儒科。人修完壁光如燦。士勵精金價

自多。主宰三才陰陽定。從違取舍盡包羅。

武帝詩

桃園一誓重平生。異如同胞篤弟兄。掃蕩羣奸維正統。扶持大義踐前盟。天心不滅孫曹黨。終古常伸手足情。漢代山河足易色。慄然浩氣燦神京。

生等將前稿誦之。

馬天君語 乎頭頂玉旨來壇。玉帝駕坐通明。召三

聖赴宴。今夕此事難週。生等送駕。吾去

聖侯宴今也北車鑿殿主筆遊驚吾去

無天我臨平願更正旨來豐正帝驚坐既即各三
坐筆絲前蘇酷之

只計驚外山既只是也對恐哉虛樂林京

慈林林大義翅前盟天心不滅絲曹黨然古常軒手
林園一警重平主異咬同臥薰兼凡赫驚軍於難五
左帝精

自定主率三木劍翻定外對與舍盡會觀

